



Adran Gwleidyddiaeth
Ryngwladol

Astudiaethau ôl-raddedig mewn

Gwleidyddiaeth Ryngwladol

Cynnwys

Croeso	t.1
Ein cyrsiau	t.2
Ein hymchwil	t.7
Cyflogadwyedd	t.8
Gweithgareddau allgyrsiol	t.9

Gwybodaeth bwysig

Roedd yr wybodaeth a gyhoeddir yn y llyfryn hwn am y rhaglenni gradd yn gywir pan anfonwyd y ddogfen i'w argraffu (Ebrill 2025), ond gellid ei newid. Cyn gwneud cais, rydym yn cynghori darpar fyfyrwyr i edrych ar ein gwefan i gael yr wybodaeth a'r manylion diweddaraf am y cwrs gan gynnwys ein gofynion mynediad, er mwyn bod yn sicr fod y cynllun yn addas i'w gofynion.

Croeso

Croeso i'r adran Wleidyddiaeth Ryngwladol cyntaf yn y byd.

Mae astudio gwleidyddiaeth yn gwbl angenrheidiol os am fagu dealltwriaeth drylwyr o natur ein byd cyfnewidiol. Yn wir, a ninnau bellach yn byw trwy gyfnod a nodweddir gan newid gwleidyddol arwyddocaol ar sawl lefel mae'r pwnc yn un sy'n meddu ar berthnasedd eithriadol.

Yng Nghymru, mae'r trafod ynglŷn â natur y setliad datganoli a'i oblygiadau ar gyfer polisi, gweinyddiaeth gyhoeddus ac, yn gynyddol, lefelau trethiant, yn debygol o barhau dros y blynyddoedd nesaf. Ar yr un pryd, mae'n debygol y bydd y trafodaethau hyn yn digwydd fwyfwy yng nghyd-destun newidiadau ehangach i natur gwleidyddiaeth y Deyrnas Unedig (DU), wrth i'r dadlau ynglŷn â'r penderfyniad i adael yr Undeb Ewropeaidd (UE) godi cwestiynau dwys ynghylch natur cyfundrefn economaidd y wladwriaeth, ynghyd â seiliau ei chyfansoddiad tiriogaethol.

Ymhellach, ar y llwyfan rhyngwladol, mae galw am ymateb i ystod o heriau gwleidyddol byd-eang - rhai ohonynt yn gyfarwydd ac eraill yn newydd - er enghraifft, ymateb i newid hinsawdd, ymdrin ag ymlediad arfau niwclear neu ymateb mewn modd teg i symudiadau poblogaeth rhyngwladol. O ystyried y cyd-destun hwn, mae nawr yn adeg amserol i astudio ar lefel ôl-raddedig ym maes gwleidyddiaeth neu gysylltiadau rhyngwladol.

Ceir yma ysgol fywiog i raddedigion sy'n adlewyrchu ein profiad o feithrin myfyrwyr ôl-raddedig rhagorol ers degawdau. Rydym yn denu unigolion o bedwar ban byd sydd ymhlith y gorau a'r mwyaf disglair - unigolion sydd yn awyddus i ddod i astudio mewn amgylchedd ysgolheigaidd ysgogol. Mae ein holl staff academiaidd yn ymchwilwyr gweithgar, a bydd yr arbenigedd eang yn yr Adran yn rhoi ichi'r cyfle i fynd i'r afael â rhai o'r materion pwysicaf a mwyaf ysgogol ym maes gwleidyddiaeth rhyngwladol, o astudio rhyfeloedd, gwrthdaro, strategaeth a diogelwch i'r drefn fydol, damcaniaeth rhyngwladol, ôl-drefedigaethedd, gwleidyddiaeth Gymreig, a moeseg.

Mae gennym enw da am ragoriaeth ymchwil ac addysgu. Amlygwyd hyn pan farnwyd bod 87% o'n hymchwil yn arwain y byd neu'n rhagorol yn rhyngwladol (REF 2021) a phan roddwyd ni ymhlith y 5 uchaf yn y DU am Brofiad Myfyrwyr ym mhwn Gwleidyddiaeth (Canllaw Prifysgolion Da 2025, The Times and Sunday Times).

Mae ein hamgylchedd dysgu yn croesawu staff a myfyrwyr o bob rhan o'r byd ac mae hynny'n creu cymuned ryngweithiol, fywiog sy'n gwneud cyfraniad hollbwysig i ymchwil arloesol ein hadran ac sy'n sail i ddatblygiadau newydd yn y ddisgyblaeth. Pa un a eich bod â diddordeb mewn deall sail gysyniadol gwleidyddiaeth rhyngwladol neu oblygiadau polisïau ymarferol, cewch fod yn rhan o adran sydd ar flaen y gad yn mynd i'r afael â'r heriau a osodir gan 'sut y gallem fyw' yn yr ugeinfed ganrif ar hugain.

Mae pawb yma yn yr Adran Gwleidyddiaeth Ryngwladol yn edrych ymlaen at eich croesawu i'n cymuned fywiog o fyfyrwyr a staff.

Alistair Shepherd
Pennaeth yr Adran dros dro

Ein cyrsiau

Graddau a ddysgir

Cysylltiadau Rhyngwladol, MA	t.3
Gwleidyddiaeth Ryngwladol (Gradd Ddeuol), MA	t.4
Rhyfel, Strategaeth a Chudd-wybodaeth, MA	t.5

Graddau ymchwil

PhD, DProf, MPhil	t.6
-------------------	-----

Cysylltiadau Rhyngwladol

MA

Wedi'i lleoli rhwng y mynyddoedd a'r môr, mae ein Hadran Gwleidyddiaeth Ryngwladol mewn lle delfrydol i feithrin meddwl uchelgeisiol. Am dros gan mlynedd, mae'r safle unigryw hwn wedi annog ysgolheigion Cysylltiadau Rhyngwladol i agor eu meddyliau ac ehangu eu gorwelion deallusol. Fel myfyriwr MA Cysylltiadau Rhyngwladol yma, byddwch yn ymuno â'n cymuned glos o ysgolheigion sydd oll wedi dod i Aberystwyth i fynd i'r afael â'r syniadau mawr sy'n dylanwadu ar ein cenhedloedd, ein byd a'n planed.

Ar ein cwrs MA Cysylltiadau Rhyngwladol, byddwch yn ymglyfarwyddo â meddylfryd Cysylltiadau Rhyngwladol sydd ar flaen y gad, gan gynnwys meddylfryd ôl-Orllewinol, gwleidyddiaeth blanedol, dulliau rhywedd a gwleidyddiaeth gwybodaeth mewn ymarfer rhyngwladol. Rydym yn ystyried cysyniadau sylfaenol megis anarchiaeth, sofraniaeth a phŵer, ac archwilio sut y gallant ein helpu i ddeall heriau byd-eang heddiw a dyfodol y byd. Byddwn yn ystyried meddylfryd Cysylltiadau Rhyngwladol confensiynol yn eu gwasanaethu, ac yn dadlau a yw'n addas i'w ddiben mewn byd sy'n mynd yn fwy ansicr?

Ar hyn o bryd, mae gwleidyddiaeth ryngwladol yn sefyll ar gyrion argyfyngau amryfal sy'n gorgyffwrdd. Bydd eich astudiaethau MA yn Aberystwyth yn darparu'r adnoddau damcaniaethol ac empirig i'ch helpu i ddeall y sefyllfa fyd-eang ansicr hon. Byddwch yn cymhwyso eich meddyliau a'ch syniadau annibynnol eich hun i faterion megis gwrthdaro a diogelwch, newid yn yr hinsawdd, trafodaethau rhyngwladol, a'r argyfwng ffoaduriaid byd-eang. Gan elwa o'n harweiniad arbenigol, bydd eich astudiaethau MA yn dod i benllanw gyda thraethawd hir a ymchwiliwyd yn annibynnol, cyfle i chi gyfuno eich sgiliau beirniadol a'ch gwybodaeth gysyniadol i ystyried y cwestiynau mwyaf taer sy'n wynebu ein byd heddiw. ynd ymlaen i'r diwydiant neu i ymchwil academiaidd bellach.

Modiwlau

Ar y cwrs hwn, byddwch yn astudio'r modiwl craidd International Politics, ynghyd â'r modiwl Traethawd Hir.

Byddwch hefyd yn dewis o blith casgliad o fodiwlau, sydd ar hyn o bryd yn cynnwys:

- International Politics (modiwl craidd)
- Futures for International Relations Theory
- Global Politics of Middle Powers
- Indigenous Politics
- Knowledge and Expertise in International Politics
- Race, (Im)mobility and Incarceration
- Refugee Simulation: Knowledge and Application.

I gael rhagor o fanylion a'r wybodaeth ddiweddaraf am ein modiwlau, ewch i'n gwefan.

Ffeithiau allweddol



Cod y cwrs: L288



Hyd: 1 flwyddyn amser llawn



Amser cyswllt: O leiaf 6 awr yr wythnos, yn cynnwys un seminar dwy awr o hyd fesul modiwl.

Gwleidyddiaeth Ryngwladol

(Gradd Ddeuol)

MA

Mae'r radd MA ddwy flynedd newydd a chyffrous hon mewn Gwleidyddiaeth Ryngwladol yn eich galluogi i astudio gydag ysgolheigion amlwg mewn dwy adran a chanddynt enw da am ansawdd eu dysgu a'u hymchwil, sef Adran Gwleidyddiaeth Ryngwladol Prifysgol Aberystwyth a'r Ysgol Gwasanaeth Rhyngwladol yn yr American University, Washington, D.C. Hefyd, byddwch yn cael profiad o fyw ac astudio mewn dau fyd diwylliannol ac academaidd gwahanol iawn, ond sy'n ategu ei gilydd.

Yn ystod y flwyddyn gyntaf, byddwch yn astudio yn Aberystwyth. Ynghyd ag astudio cysyniadau sy'n sail i astudio Cysylltiadau Rhyngwladol (megis sofraniaeth, anarchiaeth, a diogelwch) byddwch hefyd yn cwestiynu'r cysyniadau hynny mewn modd trwyadl ac aml-haenog, a hynny o safbwyntiau sy'n tarfu ar y ddealltwriaeth gonfensiynol o gysylltiadau rhyngwladol a sut maent yn gweithredu.

Yn ystod yr ail flwyddyn yn Washington D.C., bydd y modiwlau dewisol y byddwch yn eu hastudio yn fwy seiliedig ar bolisi, a chânt eu cyfuno â modiwlau craidd mewn methodoleg Gwyddor Gymdeithasol ac Economeg. Cewch gyfle i gysylltu eich astudiaethau â phrofiad ymarferol â'r gymuned bolisi, ac mae Ysgol Gwasanaeth Rhyngwladol yr American University mewn sefyllfa unigryw i'ch galluogi i wneud hynny. Cewch gyfle hefyd i ymgeisio am interniaethau gyda chyrrff llywodraethol neu anlywodraethol yn Washington D.C. dan y Cynllun Hyfforddiant Ymarferol Dewisol ar ôl ichi gwblhau eich gradd.

Ffeithiau allweddol



Cod y cwrs: L286A



Hyd: 2 flynedd amser llawn



Amser cyswllt: O leiaf 6 awr yr wythnos, yn cynnwys un seminar dwy awr o hyd fesul modiwl, yn Aberystwyth.

Modiwlau

Ymhlith y modiwlau craidd y byddwch o bosibl yn eu hastudio yn Aberystwyth mae International Politics ynghyd â'r Papur Ymchwil, sy'n rhoi cyfle ichi baratoi darn manwl o ymchwil trwy gyfrwng proses ac iddi strwythur ac arweiniad.

Byddwch hefyd yn dewis o blith ystod o fodiwlau, sydd ar hyn o bryd yn cynnwys:

- International Politics (modiwl craidd)
- Futures for International Relations Theory
- Global Politics of Middle Powers
- Indigenous Politics
- Knowledge and Expertise in International Politics
- Race, (Im)mobility and Incarceration
- Refugee Simulation: Knowledge and Application.

Byddwch yn dewis eich modiwlau eraill o un maes arbenigol sy'n cynnwys:

- Energy and Environment
- International Development
- Social Enterprise
- US Foreign Policy.

I gael rhagor o fanylion a'r wybodaeth ddiweddaraf am ein modiwlau, ewch i'n gwefan.

Rhyfel, Strategaeth a Chudd-wybodaeth

MA

Bydd y radd hon yn rhoi ichi'r sgiliau a'r wybodaeth gysyniadol ac empirig angenrheidiol i ddeall, trafod a beirniadu ffenomena rhyng-gysylltiedig Rhyfel, Strategaeth a Chudd-wybodaeth.

Mae rhyfel wedi bod wrth wraidd profiad pobl ers dechrau cymunedau gwleidyddol, ac mae'n dal i fod yn nodwedd barhaus ar y system ryngwladol ac ar lawer o wladwriaethau a chymdeithasau. Trwy gydol y cwrs hwn, byddwch yn ymwneud â meysydd amrywiol y gwyddorau cymdeithasol a'r dyniaethau er mwyn deall ffenomenon rhyfel a'r ymdrech dragyddol ond anghaffaeladwy am ddiogelwch sy'n un o nodweddion cysylltiadau rhyngwladol. Wrth ichi ystyried meysydd megis hanes milwrol, diogelwch, cudd-wybodaeth, astudiaethau strategol a chysylltiadau rhyngwladol, byddwch yn datblygu'r wybodaeth a'r offer dadansoddi angenrheidiol i ddeall cysyniadau rhyfel a rhyfela, yr amrywiol strategaethau a ddefnyddir i ryfela a'r offer cudd-wybodaeth a ddefnyddir i lywio'r strategaethau hynny.

O Sun Tzu i 'Shock 'n' Awe', mae'r radd hon yn datblygu eich dealltwriaeth gysyniadol ac empirig o'r defnydd o rym mewn cysylltiadau rhyngwladol. Yn yr 21ain ganrif, â'r gobeithion wedi'r Rhyfel Oer am 'Drefn Fyd-eang Newydd' bellach yn pylu, mae'r ofnau ynghylch rhyfeloedd mawr ar lefel ranbarthol a hyd yn oed ar lefel fyd-eang yn cynyddu. Mae'r radd hon yn pwysu a mesur y materion strategol pwysicaf sy'n wynebu'r byd heddiw, ac yn dadansoddi natur esblygol rhyfel a gwrthdaro, o'r gystadleuaeth draddodiadol rhwng y pwerau mawrion i fathau modern ar ryfela hybrid. Mae'r drwgdeimlad o'r newydd rhwng Rwsia a'r Gogledd, y cynnydd o ran tensiynau yn y Dwyrain Canol a De Asia, ymwthgarwch milwrol cynyddol Tsieina, a'r gwrthdaro treisgar parhaus o fewn gwladwriaethau ledled y byd yn dangos yr angen o hyd am ddealltwriaeth gadarn a beirniadol o ddynameg rhyfel, strategaeth a chudd-wybodaeth.

Ffeithiau allweddol



Cod y cwrs: L254



Hyd: 1 flwyddyn amser llawn



Amser cyswllt: O leiaf 6 awr yr wythnos, yn cynnwys un seminar dwy awr o hyd fesul modiwl.

Modiwlau

Ar y cwrs hwn, byddwch yn astudio'r modiwl craidd Warfare in the Twenty- First Century ynghyd â'r modiwl Traethawd Hir.

Yna byddwch yn dewis o blith casgliad o fodiwlau, sydd ar hyn o bryd yn cynnwys:

- Warfare in the 21st Century
- Intelligence, Security and International Relations in the 20th Century
- Security Policy in the European Union
- War and Peace in the Middle East
- Critical Security Studies: Emerging Issues
- Thoughts of War: Strategic Theory and Thinkers.

I gael rhagor o fanylion a'r wybodaeth ddiweddaraf am ein modiwlau, ewch i'n gwefan.

PhD, DProf, MPhil

Mae'r Adran Gwleidyddiaeth Ryngwladol yn gwneud gwaith rhagorol yn hyfforddi myfyrwyr Doethuriaeth.

Mae myfyrwyr sy'n cynnal ymchwil PhD yn rhan hanfodol o ddiwylliant ymchwil clodfawr yr Adran. Mae llwyddiannau sylweddol graddedigion PhD Aberystwyth i'w gweld yn nifer sylweddol y traethodau ymchwil sydd wedi ennill gwobrau, gwaith cyhoeddedig o ansawdd uchel a llwyddiant nodedig yn y farchnad swyddi, gan gynnwys yn y maes academiaidd, adrannau llywodraethol, sefydliadau anllywodraethol a sefydliadau rhyngwladol.

Mae myfyrwyr PhD yn cynllunio ac yn cyflawni darn sylweddol o ymchwil sy'n gwneud cyfraniad gwreiddiol at wybodaeth yn y ddisgyblaeth o'u dewis. Bydd arbenigwr pwnc yn yr Adran yn eich goruchwyllo a'ch cynghori'n ofalus drwy gydol y broses gynllunio, ymchwilio ac ysgrifennu. Bydd myfyrwyr nad ydynt eisoes wedi cwblhau rhaglen gydnabyddedig mewn dulliau ymchwil yn rhan o'u gradd Meistr, yn cyflawni pecyn cydnabyddedig ESRC o fodiwlau hyfforddiant ymchwil yn y gwyddorau cymdeithasol yn ystod blwyddyn gyntaf eu PhD.

Mae ein meysydd arbenigedd goruchwyllo yn cynnwys:

- Damcaniaethau cysylltiadau rhyngwladol a gwleidyddol
- Rhyfel, strategaeth, diogelwch a chuddwybodaeth
- Democratiaeth, datganoli a gwleidyddiaeth diriogaethol
- Ymfudo a datblygu byd-eang
- Gwrthdaro a chymodi ar ôl gwrthdaro
- Economeg Wleidyddol Ryngwladol
- Iechyd byd-eang a'r amgylchedd
- Hanes rhyngwladol a milwrol

- Gwleidyddiaeth y Deyrnas Unedig a'i rhanbarthau
- Gwleidyddiaeth ranbarthol: Ewrop, Rwsia, y Dwyrain Canol, America Ladin, ac UDA.

Mae'r Adran hefyd yn cynnig gradd MPhil, sef gradd Meistr yn seiliedig ar ymchwil, gyda thraethawd hir 60,000 o eiriau. Cwblheir yr MPhil mewn blwyddyn os ydych chi'n astudio'n amser llawn, neu mewn dwy flynedd os ydych chi'n astudio'n rhan-amser.

Goruchwyllo a chynnydd

Mae ein myfyrwyr PhD ac MPhil yn cael yr oruchwylloeth orau posibl yn y maes. Dynodir dau oruchwylloer i bob myfyriwr, a chynhelir cyfarfodydd goruchwyllo bob tair wythnos yn ystod y tymor. Mae'r system hon yn annog perthynas waith agos iawn, sy'n arwain at gyfradd cwblhau ardderchog.

DProf

Mae'r ddoethuriaeth broffesiynol, neu'r DProf, yn fwy addas i'r rheini sy'n dilyn gyrfa broffesiynol yn hytrach nag un academiaidd, ac fe'i cynllunnir fel y bydd gweithwyr proffesiynol cymwys yn gallu astudio am ddoethuriaeth tra byddant yn parhau i weithio. Dyfernir DProf i gydnabod bod unigolyn wedi llwyddo mewn rhaglen astudio gymeradwy a ddysgir drwy gwrs, ynghyd â darn o waith ymchwil uwch. Mae'r elfen o gydweithio a geir yn y prosiect ymchwil sy'n seiliedig ar waith yn gyfle gwych i sefydlu gwybodaeth newydd yn y gweithle ac i sicrhau bod eich ymchwil yn berthnasol i ddiwydiant.

Ein hymchwil

Yma yn Aberystwyth, byddwch chi wrth wraidd yr ymchwil diweddaraf ym maes cysylltiadau rhyngwladol.

Mae'r adran yn ganolfan flaenllaw ar gyfer ymchwil arloesol i wleidyddiaeth ryngwladol a gwleidyddiaeth. Rydym yn adnabyddus am ein gweithgareddau ymchwil, ac mae ein staff a'n myfyrwyr ôl-raddedig yn cynnal ymchwil ar rai o'r heriau byd-eang anoddaf a phwysicaf sy'n wynebu cymunedau heddiw. Ers bron i 20 mlynedd, mae hi wedi bod yn adran ymchwil flaenllaw yn y Deyrnas Unedig ac yn fyd-eang. Mae'r Adran yn adnabyddus ledled y byd fel man lle datblygir dealltwriaethau newydd a chyffrous o heriau cenedlaethol, rhyngwladol a byd-eang.

O ddadansoddi ymyriadau dyngarol i ddyfodol diogelwch yr UE, o astudio ffurfiau newydd o niwed byd-eang i ddychmygu gwleidyddiaeth blanedol newydd, o astudio hanes milwrol i astudio heriau diweddaraf cynnydd niwclear a chasglu gwybodaeth, o ddadansoddi rhan Prydain mewn byd sy'n newid i ddeall rhan Cymru yn y byd - mae

arbenigedd ymchwil yr Adran yn arwain y byd, ac wedi bod yn flaenllaw wrth ddatblygu ffyrdd newydd o feddwl ac arferion polisi newydd.

I grynhoi, mae'r Adran yn cynnig amgylchedd bywiog i astudio ac i archwilio syniadau newydd. Bob blwyddyn, rydym yn cynnal dwsinau o sgysiau gan arbenigwyr a ffurfwyr barn sy'n arwain y byd, y mae myfyrwyr, staff, a thrigolion lleol yn eu mynychu'n rheolaidd. Rydym hefyd yn cynnal nifer o grwpiau a chanolfannau ymchwil cyffrous, megis y Ganolfan Wybodaeth Gwleidyddiaeth Ryngwladol, Sefydliad Coffa David Davies, y Ganolfan Astudiaethau Cudd-wybodaeth a Diogelwch Rhyngwladol, a'r Ganolfan Heriau Planedol a Gwleidyddiaeth. Eu nod yw caniatáu ar gyfer arbenigedd, trafodaeth a dadansoddi yng nghyd-destun cymuned ymchwil gyfeillgar a thrylwyr.



Cyflogadwyedd

Rhagolygon gyrfaol

Ydych chi'n awyddus i wneud argraff ar y byd? Gall dewis astudio ar lefel ôl-raddedig ym maes Cysylltiadau Rhyngwladol agor drysau i ystod eang o gyfleoedd gyrfaol. Dyma'r gyrfaoedd sydd ymhlith y rhai poblogaidd: llywodraeth, y fyddin, diplomyddiaeth, lobio, dadansoddi gwleidyddol, cyfraith ryngwladol a chudd-wybodaeth.

Sgiliau Trosgrwyddadwy

Mae ein rhaglenni ôl-raddedig yn canolbwyntio ar ddatblygu sgiliau ymchwil, ysgrifennu a dadansoddi cryf yn ogystal â'r gallu i weithio'n annibynnol - sgiliau a werthfawrogir yn fawr gan gyflogwyr.

Bydd ein rhaglenni ôl-raddedig hefyd yn datblygu'r sgiliau canlynol:

- strwythuro a chyfathrebu syniadau cymhleth yn effeithiol
- ysgrifennu ac annerch amrywiol gynulleidfaoedd
- gwerthuso a threfnu gwybodaeth
- gweithio'n effeithiol gydag eraill
- gweithio i amserlen a chwrdd â therfynau amser penodol.

Mae ein graddedigion yn gweithio ym meysydd:

- gwleidyddiaeth leol a chenedlaethol
- y Swyddfa Dramor
- y Weinyddiaeth Amddiffyn
- sefydliadau anllywodraethol (NGOs)
- sefydliadau rhyngwladol
- newyddiaduraeth
- busnes
- addysg
- y lluoedd arfog.

Mae llawer hefyd yn dewis y proffesiwn cyfreithiol. Ac mae rhai wrth eu bodd mewn amgylchedd addysgiadol ac yn dewis aros yn y byd academiaidd ac yn datblygu i fod yn ysgolheigion amlwg.

Cwrdd ag un o'n cyn-fyfyrwyr: Ian Crook, arbenigwr ar gudd-wybodaeth gyda Google

Yn fy swydd bresennol, rwy'n gyfrifol am gasglu a dadansoddi ffynonellau agored, monitro datblygiadau rhanbarthol a rhyngwladol, cynnig cefnogaeth weithredol pan fo digwyddiadau, a rheoli argyfyngau i amddiffyn asedau, gweithwyr, ac enw da.

Dewisais i Aberystwyth gan mai'r adran Gwleidyddiaeth Ryngwladol hon oedd y cyntaf o'i bath. Oherwydd hynny, mae'r adran wedi bod yn uchel ei bri ers ei sefydlu yn y flwyddyn 1919. Pan ymwelais â'r adran, cefais argraff dda iawn o'r adeilad ei hun a'r awyrgylch croesawgar. Ac roedd treulio rhai dyddiau yn nhref brydferth Aberystwyth yn ddigon i fy mherswadio fy mod yn dymuno dod i'r Brifysgol yma. Mae'n amgylchedd gwych ar gyfer gweithio a chymdeithasu!

Roedd y radd ôl-raddedig yn gyfle i mi ddod i ddeall maes arbenigol o fewn y pwnc yn drylwyr, ac roedd yn fodd i mi ddod o hyd i waith a oedd yn gysylltiedig â fy astudiaethau.

Rwy'n ystyried fy amser yn Aberystwyth ymhlith rhai o flynyddoedd gorau fy mywyd. Ces i gyfle i wneud ffrindiau gwych, i fwynhau'r ochr gymdeithasol o fywyd prifysgol, i gwrdd â thoreth o bobl gwahanol a diddorol, ynghyd â chael profiad academiaidd gwych. Byddwn yn argymhell Aberystwyth i unrhyw un sy'n meddwl astudio am radd!

Gweithgareddau allgyrsiol

Caiff gweithgareddau allgyrsiol niferus eu trefnu gan ein cymuned ymchwil o fri rhyngwladol, a bwriad y rhain yw cyfoethogi amrywiaeth a dyfnder y profiad ôl-raddedig rydym ni'n ei gynnig.

Yn benodol ar gyfer myfyrwyr MA, cynhelir y Gyfres Seminarau Meistr Gwleidyddiaeth Ryngwladol (IPMSS) bob pythefnos. Mae'r rhain yn cynnwys rhaglen amrywiol o sgysiau bob semester gan aelodau academiaidd o staff, trafodaethau bwrdd crwn ar bynciau cyfoes mewn gwleidyddiaeth ryngwladol a dangosiadau o ddogfennau a ffilmiau. Mae hefyd yn gyfle i fyfyrwyr drafod eu prosiectau traethawd hir a derbyn cefnogaeth ac adborth.

Mae nifer o grwpiau ymchwil hefyd yn weithredol yn yr Adran dan ofal myfyrwyr PhD, sy'n trefnu digwyddiadau rheolaidd fel sgysiau a grwpiau darllen. Mae croeso i'r holl fyfyrwyr ôl-raddedig ymuno â'r grwpiau ymchwil hyn, neu sefydlu eu grwpiau eu hunain ar y meysydd ymchwil sydd o ddiddordeb iddynt.

Yn ogystal rydym ni'n gartref i nifer o ganolfannau ymchwil a redir gan staff academiaidd sy'n cyflwyno digwyddiadau yn ystod y flwyddyn. Mae'r rhain yn cynnwys y Ganolfan Gwleidyddiaeth Ryngwladol Gwybodaeth, Canolfan Gwleidyddiaeth a Chymdeithas Cymru, y Ganolfan Heriau Planedol a Gwleidyddiaeth, y Ganolfan Astudiaethau Cudd-wybodaeth a Diogelwch Rhyngwladol ac Athrofa Goffa David Davies.

Yn olaf, bob wythnos yn ystod y tymor rydym ni'n cynnal Seminar Ymchwil Gwleidyddiaeth Ryngwladol, lle bydd academydd ymweliadol, aelod o staff neu fyfyrwr PhD yn cyflwyno eu hymchwil cyfredol. Mae'r gyfres hon o seminarau'n ganolog i'n diwylliant ymchwil ac mae'r holl fyfyrwyr PhD ac aelodau o staff yn mynychu. Rydym ni'n annog ein myfyrwyr MA yn gryf i gymryd rhan hefyd, gan fod y gyfres yn cynnig cyfle rhagorol i ymgysylltu ag ymchwil arloesol mewn gwleidyddiaeth ryngwladol.



Adran Gwleidyddiaeth Ryngwladol
Prifysgol Aberystwyth,
Penglais,
Aberystwyth,
Ceredigion, SY23 3FE

+44 (0) 1970 621537

interpol@aber.ac.uk

/interpolaber.bsky.social

/InterpolAber

/interpolaber

/interpolaber

✈ = Maes awyr rhyngwladol

🚆 = Gorsaf drenau

⚓ = Porthladd fferi



Wedi'u dylunio a'u cynhyrchu gan
Marchnata a Denu Myfyrwyr,
Prifysgol Aberystwyth 2025.



Argraffwyd ar bapur
wedi'i ailgylchu 100%